

Lán ê Tōachèsi lésu

8 Lán só teh kóng ê iàutiám sī, lán ū chit ūi áne ê tōachèsi, I chē tī thiⁿténg chikôan SiōngChú póchō ê chiàⁿ pêng. 2 I tī sèngsǒ, iā tòh sī chin ê hōebō nih teh hòksāi, chitê hōebō sī Chú só siatlíp ê, m̄ sī lāng só tah ê.

3 Múi chit ūi tōachèsi ê siatlíp, lóng sī ūi tiòh hiàn lémi^h kah chèphín, sói, chit ūi tōachèsi mā ittēng ài ū siáⁿmíh thang hiàn. 4 lésu nā lāu tī tēchiūⁿ, I tòh bē chiáⁿchò chèsi, inūi íkeng ū chèsi chiàu lúthoat teh hiàn lémi^h. 5 Chiahê chèsi só hòksāi ê, chí putkò sī thiⁿténg hōebō ê hòkchèphín kah iáⁿsiōng. Tú chhinchhiūⁿ Mōse beh khíchō hōebō ê sī, SiōngChú ū chísi i, kóng, “Lí tiòh kinsīn, itchè lóng tiòh chiàu Góa tī soaⁿténg kā lí chísi ê khoánsit khi chō.²³” 6 M̄ koh, lésu chit má íkeng tit tiòh chitê koh kah chunkùì ê sūhōng, inūi I chiáⁿchò koh kah hó ê iok ê tiongpó; chitê iok sī kinkì koh kah hó ê èngún lái siatlíp ê.

7 Thâu chitê iok nā bô siáⁿmíh khoattiám, tòh bô suiau líp tē jī ê iok. 8 SiōngChú kā in chícek, kóng:

Lí khòⁿ, jitchí teh beh kàu à,

Góa beh kah Isulael ke íkip Ióhah ke líp sin ê iok.

9 Chitê iok bô chhinchhiūⁿ cháchêng Góa kah in ê chósian só líp ê iok,

iā tòh sī tng Góa khan in ê chhiú, chhōa in chhut Aigip ê sí só líp ê.

Inūi in bô chhisiú Góa ê iok,

sói Góa mā bô beh koánkò in.

10 Chú koh kóng:

Chiahê jitchí iāu,

Góa kah Isulael ke só líp ê iok sī áne:

咱 ê 大祭司耶穌

8 咱所 teh 講 ê 要點是：咱有一位 áne ê 大祭司，祂坐 tī 天頂至 koân 上主寶座 ê 正 pêng。2 祂 tī 聖所，也 tòh 是真 ê 會幕裡 teh 服事，chitê 會幕是主所設立 ê，m̄ 是人所搭 ê。

3 每一位大祭司 ê 設立，lóng 是為 tiòh 獻禮物 kah 祭品，所以，chit 位大祭司 mā 一定 ài 有 啥物 thang 獻。4 耶穌若留 tī 地 chiūⁿ，祂 tòh bē 成做祭司，因為已經有祭司照律法 teh 獻禮物。5 Chiahê 祭司所服事 ê，只不過是天頂會幕 ê 複製品 kah 影像。Tú 親像摩西 beh 起造會幕 ê 時，上主有指示伊，講：「你 tiòh 謹慎，一切 lóng tiòh 照我 tī 山頂 kā 你指示 ê 款式去造。²³」 6 M̄ koh，耶穌 chit má 已經得 tiòh 一个 koh kah 尊貴 ê 事奉，因為祂成做 koh kah 好 ê 約 ê 中保；chitê 約是根據 koh kah 好 ê 應允來設立 ê。

7 頭一个約若無啥物缺點，tòh 無需要立第二個約。8 上主 kā in 指責，講：

你看，日子 teh beh 到 à，

我 beh kah 以色列家以及猶大家立新 ê 約。

9 Chitê 約無親像早前我 kah in ê 祖先所立 ê 約，

也 tòh 是當我牽 in ê 手，chhōa in 出埃及 ê 時所立 ê。

因為 in 無持守我 ê 約，

所以我 mā 無 beh 管顧 in。

10 主 koh 講：

Chiahê 日子以後，

我 kah 以色列家所立 ê 約是 áne：

²³ CAG 25:40

²³ 出 25:40

Góa beh kā Góa ê lúthoat khng tī in ê náulāi,

khék tī in ê simlāi.

Góa beh chò in ê SiōngChú,

in beh chò Góa ê chúbîn.

11 In lóng bē koh kàsī in ê tōngpau, á sī in ê hiaⁿtī
chímōe kóng:

Lí tiòh jīnbat Chú.

Inūi tùi siōng bîsè ê kàu siōng tōa ê,

in lóng ē jīnbat Góa.

12 Góa beh siàbián in ê putgī,

bô beh koh kítit in ê chōeok.²⁴

13 SiōngChú kijiân chheng chitê iok sīⁿsin ê
iok”, I tòh hō thâu chitê iok piànchò kū ê; hitê
chiāmchiām kū khì koh kòesī ê iok, liâmpīⁿ tòh ē
siausit khì.

我 beh kā 我 ê 律法 khng tī in ê 腦內，

刻 tī in ê 心內。

我 beh 做 in ê 上主，

in beh 做我 ê 子民。

11 In lóng bē koh 教示 in ê 同胞，á 是 in ê 兄
弟姊妹講：

你 tiòh 認 bat 主。

因為 tùi siōng 微細 ê 到 siōng 大 ê，

in lóng ē 認 bat 我。

12 我 beh 赦免 in ê 不義，

無 beh koh 記得 in ê 罪惡²⁴。

13 上主既然稱 chitê 約是「新 ê 約」，祂 tòh
hō 頭一个約變做舊 ê；hitê 漸漸舊去 koh 過時 ê
約，liâmpīⁿ tòh ē 消失去。

²⁴ ELM 31:31-34

²⁴ 耶 31:31-34